



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Prijedor

### Izveštaj o održanom prvom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u Gradu Prijedoru

U okviru Javnog poziva za organizacije civilnog društva/nevladine organizacije za predaju prijedloga projekata, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)<sup>1</sup> u saradnji sa Gradskom upravom Prijedor, u petak, 31. marta 2023. godine u terminu od 11:00 do 12:10h održan je prvi od tri planirana mentorska sastanka za zainteresovane predstavnike/ice organizacija civilnog društva (OCD). Sastanak je održan u prostorijama Omladinskog savjeta u Ulici Milana Obrenovića bb i prisustvovalo mu je ukupno 23 učesnika/ca (17 žena i 6 muškaraca) ispred 20 različitih organizacija civilnog društva.

Termin prvog mentorskog sastanka definisan je u samom **Javnom pozivu za predaju projektnih prijedloga u sklopu projekta ReLOaD2 u Gradu Prijedoru**, objavljenom na zvaničnoj internet stranici Grada Prijedora. Dodatno je poziv za učešće na prvom mentorskom sastanku upućen organizacijama civilnog društva i nakon održanog prvog dana obuke o upravljanju projektnim ciklusom (PCM).

Na početku mentorskog sastanka, s obzirom da se radi o prvom sastanku ovog tipa, učesnicima je pojašnjena uloga mentora i svrha održavanja mentorskih sastanaka. Tom prilikom je naglašeno kako je uloga mentora **da pomogne u otklanjanju dilema i nedoumica koje predstavnici OCD mogu imati tokom pripreme projektnih prijedloga** ali da **uloga mentora nije da na bilo koji način učestvuje u izradi samih projektnih prijedloga**. Istaknuto je, takođe, da u cilju osiguranja i primjene transparentnog pristupa realizacija mentorstva, konsultacije „jedan na jedan“ sa predstavnicima OCD nisu dozvoljene. Predstavnici OCD imaju mogućnost da kandiduju svoja pitanja i dileme a mentor odgovore na postavljena pitanja i svoje komentare može davati isključivo na mentorskim sastancima i u prisustvu svih drugih predstavnika OCD.

Nakon uvodnog predavljanja svrhe mentorskih sastanaka i planiranog načina rada mentor je kratko podsjetio na evaluacione kriterije iz Smjernica za aplikante i naglasio značaj relevantnosti kao kriterija za ocjenu projektnih prijedloga. U tom kontekstu je učesnike mentorskog sastanka pozvao da u ovoj fazi pripreme projektne aplikacije posebnu pažnju obrate na to jesu li njihove projektne ideje usklađene sa ciljevima i prioritetima javnog poziva te da li su potrebe ciljne grupe i krajnjih korisnika jasno definisane. Nakon uvodnog predavljanja prisutni na sastanku su imali mogućnost da iznesu svoje dileme i postavbe pitanja. Tokom diskusije razgovarano je o sljedećim temama:

1. **U okviru opisa problema i definisanja potreba naših korisnika planirali smo priložiti i dodatnu dokumentaciju koja govori u prilog navedenom opisu problema (mišljenje**

<sup>1</sup>Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



**stručnjaka, rezultati provedenog istraživanja i slično). Da li je prihvatljivo da se uz projektnu aplikaciju priloži i dodatna dokumentacija te vrste?**

Odgovor: Opis problema, koji se projektom namjerava riješiti, treba da bude jasan i argumentovan što znači da je potrebno obezbijediti jasne statističke pokazatelje problema gdje god je to moguće. Ukoliko postoje javno dostupni stručni i objektivni izvori (relevantne studije, izvještaji, analize ili mišljenja stručnjaka) koji govore u prilog opisanom problemu dovoljno je na njih se pozvati ili ih citirati, odnosno, nije neophodno prilagati kompletnu studiju ili izvještaj koji služi kao izvor podatka. Projektna aplikacija, takođe, treba da sadrži detaljan opis veličine i važnosti ciljne grupe, odnosno osoba koje su pogođene navedenim problemom i kojima se projektom namjerava direktno pomoći. U tom smislu detaljna analiza ciljne grupe može biti urađena kao poseban dokument i takva analiza može biti priložena kao dodatak projektom prijedlogu.

**2. Našim projektom želimo da postignemo nekoliko ciljeva, između ostalog, promovisanje zdravih životnih stilova kod mladih, podizanje svijesti o značaju zdrave i pravilne ishrane, informisanje mladih o važnosti boravka u prirodi, što podrazumijeva organizovanje aktivnosti uz rijeku i ekološke akcije. Da li je to dobar pristup?**

Odgovor: Projektne prijedlozi koje podnose organizacije civilnog društva trebaju biti usklađeni sa prioritarnim oblastima navedenim u Javnom pozivu i Smjernicama za aplikante a specifični cilj projekta treba da bude rješenje nekog konkretnog problema koji je identifikovan kao relevantan za ciljnu grupu i krajnje korisnike. U skladu s tim treba imati na umu da projekti koji imaju relativno kratak vremenski period implementacije i limitirane finansijske i tehničke resurse ne mogu riješiti složene probleme. Poželjno je zbog toga da se organizacije civilnog društva fokusiraju na jedan ili maksimalno dva konkretna i realna problema koja se mogu riješiti na području njihove lokalne zajednice, uzimajući pri tome u obzir činjenicu da je predviđeni period implementacije projekta 6 do 10 mjeseci a ukupan budžet projekta između 10.000 KM i 50.000 KM.

**3. Na koji način je predviđeno isplaćivanje tranši za odobrene projekte i da li organizacije civilnog društva moraju da imaju vlastita sredstva kako bi se mogle realizovati sve projektne aktivnosti, pogotovo na početku projekta?**

Odgovor: Način isplaćivanja tranši će biti definisan posebnim ugovorom sa onim organizacijama civilnog društva čiji projekti budu odobreni za finansiranje. Iskustvo iz ranijih poziva za predaju projektnih prijedloga u sklopu projekta ReLOaD2 govori o tome da se isplata sredstava organizacijama civilnog društva najčešće realizuje u tri tranše, pri čemu se isplata prve tranše realizuje odmah po potpisivanju ugovora dok su isplate preostalih tranši vezane za realizaciju projektnih aktivnosti i procent izvršenja budžeta, s tim da se finalna tranša realizuje po završetku projekta i nakon podnošenja finalnog izvještaja. U skladu sa navedenim, organizacija civilnog društva treba da realizuje sve projektom predviđene aktivnosti i pripremi finalni izvještaj o izvršenju projektnog budžeta prije uplate posljednje tranše. Ukoliko to od organizacije civilnog društva zahtijeva da angažuje i vlastita sredstva kako bi se sve projektne aktivnosti realizovale na vrijeme i prema planu iz projektne aplikacije, onda OCD treba to i predvidjeti tokom implementacije projekta imajući na umu da će uplatom finalne tranše taj iznos utrošenih vlastitih sredstava biti pokriven (refundiran).

**4. Da li Gradska uprava Prijedor ocjenjuje projektne aplikacije?**

Odgovor: U skladu sa informacijom navedenom u Smjernicama za aplikante svi podneseni projektne prijedlozi će biti razmotreni i procijenjeni od strane evaluacione komisije koju će činiti članovi UNDP ReLOaD2 tima, predstavnici Gradske uprave i predstavnik organizacija civilnog društva s područja grada Prijedora. Predstavnik OCD-a u komisiji za evaluaciju koji je izabran putem transparentnog i demokratskog procesa imaće jednaka prava kao i svi ostali članovi komisije za evaluaciju.



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



### 5. Da li u projekat trebamo uključiti i školu ako planiramo izvođenje određenih aktivnosti u okviru nje?

Odgovor: U zavisnosti od prirode projektnih aktivnosti koje će se realizovati u okviru škole ona može ali i ne mora biti svrstana u kategoriju saradnika. Ukoliko je predviđeno da u projektu učestvuju djeca iz određene škole ili se aktivnosti provode u okviru školskog nastavnog plana i programa, onda škola spada u kategoriju saradnika jer daje doprinos u realizaciji projektnih aktivnosti. Treba imati na umu da je u tom slučaju, prije podnošenja projektne aplikacije, neophodno obezbijediti pismenu saglasnost nadležne institucije (ministarstva i/ili školske ustanove) da se predviđene projektne aktivnosti mogu realizovati u okviru školske ustanove koja je saradnik na projektu. Treba još napomenuti i to da saradnici na projektu, u skladu sa Smjernicama za aplikante, ne mogu biti korisnici sredstava koja se dodjeljuju putem ovog javnog poziva.

Međutim, ukoliko se za potrebe projekta koristi samo određena školska infrastruktura (npr. fiskulturna sala za izvođenje određenih sportskih aktivnosti) onda nema potrebe za uključivanjem školske ustanove kao saradnika na projektu jer ona u tom slučaju ne daje doprinos u realizaciji projektnih aktivnosti.

### 6. Namjera nam je da projektom pomognemo osobama sa dijabetesom kako bi oni ili članovi njihovi porodica bili u stanju da samostalno pruže određenu uslugu, bez potrebe odlaska kod ljekara. Da li je to prihvatljiva ideja?

Odgovor: Kako je već navedeno, projektni prijedlozi koje podnose organizacije civilnog društva trebaju biti direktno usklađeni sa prioritetnim oblastima navedenim u Javnom pozivu i Smjernicama za aplikante. Odgovor na pitanje da li je pomoć osobama sa dijabetesom „dobra projekta ideja“ zavisi od toga na koji način će ona biti razrađena i formulisana, odnosno, da li će postojati direktne poveznice sa prioritetnim oblastima u sferi socijalne zaštite i inkluzije. Npr. ukoliko se projektom želi pomoći licima starije životne dobi, koja istovremeno boluju od dijabetesa, kako bi se unaprijedio njihov kvalitet života, onda se može reći da postoji direktna usklađenost projekta sa prioritetnom oblasti 4.1. „*Pružanje pomoći starim i iznemoglim licima kroz stvaranje uslova za bolji kvalitet života osoba treće životne dobi*“. Ukoliko se, međutim, radi o projektu koji podrazumijeva pružanje određenih zdravstvenih usluga onda direktna poveznica sa prioritetima iz Javnog poziva nije vidljiva.

Ovdje treba naglasiti i to da u skladu sa Smjernicama za aplikante i uslovima Javnog poziva projektne aktivnosti koje uključuju određene zdravstvene usluge koje su već pokrivene kroz sistem zdravstvene zaštite nisu prihvatljive za finansiranje.

### 7. Da li je moguće da organizacija ima partnera (drugog OCD) koja učestvuje i na drugom projektu?

Odgovor: U skladu sa uslovima Javnog poziva moguće je da jedna organizacija civilnog društva istovremeno bude aplikant na jednom projektu i partner na drugom. Takođe, broj partnera na projektu nije ograničen, s tim da svi partneri na projektu moraju imati aktivnu ulogu u implementaciji projekta koja mora biti jasno vidljiva u planu projektnih aktivnosti. U slučaju da se jedna organizacija civilnog društva istovremeno pojavljuje na više projekata potrebno je voditi računa o tome da li ta organizacija ima dovoljne finansijske i operativne kapacitete da realizuje sve aktivnosti u slučaju da projekti u kojima učestvuju budu odobreni.



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



**8. Projektom namjeravamo pomoći starijim i nepokretnim licima na području grada Prijedora što podrazumijeva pripremu i dostavljanje paketa hrane na njihove adrese. Da li se ova projekta ideja uklapa u uslove Javnog poziva?**

Odgovor: Sama projektna ideja ima direktnu poveznicu sa prioritetsnom oblasti u sferi socijalne zaštite i inkluzije 4.1. „Pružanje pomoći starim i iznemoglim licima kroz stvaranje uslova za bolji kvalitet života osoba treće životne dobi“. Međutim, u skladu sa Smjernicama za aplikante i uslovima Javnog poziva projektna aktivnosti koje podrazumijevaju dodjeljivanje humanitarne pomoći (humanitarnih paketa, direktne novčane ili materijalne pomoći, i sl.) nisu prihvatljive za finansiranje.

**9. Čitajući Smjernice za aplikante i slušajući prethodna izlaganja na ovom sastanku stiče se utisak da mnogo toga ne može, odnosno, da mnoge od naših projektnih ideja nisu relevantne. Već godinama naše udruženje podnosi projekte ali bez uspjeha pa vas molim da nam vi date prijedlog za projekat koji je relevantan?**

Odgovor: Uloga mentora nije da na bilo koji način učestvuje u pripremi projektnih prijedloga organizacija civilnog društva pa samim tim mentor nema mogućnost da predlaže ili osmišljava projektnu ideju za OCD. Kako je već ranije navedeno projektni prijedlozi koje podnose organizacije civilnog društva trebaju biti direktno usklađeni sa prioritetsnim oblastima navedenim u Javnom pozivu i Smjernicama za aplikante a specifični cilj projekta treba da bude rješenje nekog konkretnog problema koji je identifikovan kao relevantan za ciljnu grupu i krajnje korisnike. Iskustvo ranijeg rada sa organizacijama civilnog društva na drugim pozivima govori o tome da OCD ponekad više puta „guraju“ istu projektnu ideju bez obzira na uslove konkretnog poziva i određena ograničenja koja postoje. U skladu s tim je preporuka da se projektni prijedlog razvija ispočetka i u skladu sa specifičnim uslovima svakog pojedinačnog poziva za podnošenje projekata.

Na kraju sastanka mentor se zahvalio prisutnim predstavnicima OCD na učešću te najavio da će u toku mjeseca aprila biti organizovana još dva mentorska sastanka a sve kako bi predstavnicima/acama OCD-a bila pružena podrška prilikom pripreme projektnih ideja, i to:

1. **Drugi sastanak sa mentorom u petak, 07. aprila 2023. godine u 11:00h** (u prostorijama Omladinskog savjeta).
2. **Treći sastanak sa mentorom u utorak, 18. aprila 2023. godine u 11:00h** (u prostorijama Omladinskog savjeta).

Potvrdu o prisustvu na mentorskim sastancima potrebno je poslati na e-mail adresu [dragan.vucenovic@prijedorgrad.org](mailto:dragan.vucenovic@prijedorgrad.org)

U svrhu transparentnosti, svi zapisnici, uključujući i ovaj, sa održanih sastanaka sa mentorom će biti objavljeni na stranici Grada Prijedora. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.